

's gibt vielerlei Narre!

von Josef Gabriel d. Ä. (aus "Schwowische Gsätzle ausm Banat")

Ich well Euch Leit uf dere Welt
Ke Menschekind verachte,
Nor Narre gebt es mancherlei,
Wann mr's tut gnau betrachte.
Der een is geizich, hängt am Geld,
Versperrt's un hiits em Kaschte,
Gunnt sich drvun ke Troppe Wein
Un tut sich mager faschte.

Manch anrer wieder lebt zu leicht,
Ke Kummer macht ihms Borsche,
Un wieder eener werd fruh alt,
Griet grooi Hoor von Sorche.

Dort laaft der een de Haase noch,
Do zittert eene uf Karte,
Manch anner sucht bei Weibslait Freed,
Werd närrisch uf solchi Arte.

Ich well jo jedi Närrschkeit net,
Die noch vorkummt, vergleiche
Un oftmals macht de bravschte Mann
Mitunner dummi Streiche.

Es losst am allerbeschte Mensch
Zuletscht sich was bemängle,
Drom welle mr ger Ricksicht han,
Em Himmel gebts nor Engle.